

八瓊室金石補正續編

天慶觀銅鐘款識

拓本上層六紙縱一尺一寸五分廣九寸餘每紙十行至  
十三行不一下層四紙縱七寸餘廣一尺陽文三紙十五  
六行陰文一紙十三行又上層區縫間題名十二條第八  
條陰文下層區縫間二條皆陰文行字不一字徑五六分  
正書在  
麗水

維紹興三年歲次癸丑十二月辛巳朔初十庚寅日越州天  
慶觀太上正一盟威高上神霄九一六陽太平輔化法錄典  
者太微仙佐行上清北極天心正法 勅差副道正權道正  
賜紫靈希大師臣吳師正募緣并將已財鑄大鐘一座仰祝  
今上皇帝陛下聖壽邁於萬春

神功越於千古

寶圖隨乾坤並久

洪基與山嶽齊安五穀時豐四夷率服干戈載戢早觀撥亂之

功麟鳳自來行見

興平之瑞郡邑文武官僚同增福慶臣師正早悞真倣在會  
捨錢士女各延富壽迺所爲具疏宣懺者

右 upper 層  
第一區

左朝奉郎前金部郎中賜緋魚袋潘特悛捨十五千四百文  
足

左朝散郎致仕賜緋魚袋祝卞捨二千三百文足

左奉議郎提舉廣南西路茶鹽公事賜緋魚袋胡升

右迪功郎前鞏州龍溪縣主簿葉綬捨五十足

武義大夫前水軍都統制取進葉茂各捨三千八百五十足  
夫人王氏前帶御前器械張見道夫人楊氏共捨四千六百  
足

潘勳潘特夫各十千足潘特秀潘宗隲劉公運各捨七千足  
周直方楊十娘徐二娘各五千足梅開劉忱紀廷幹陳三娘  
各三千足

陳師旦紀汝霖劉宗智周惠升各千五百足葉競張深各千  
四百足楊此字  
除文象御夏德詮虞時通周居全章十五娘徐三

娘各二千足潘亮葉侍葉俊胡廿八娘徐周生周公喜周旋  
楊八娘王十二娘吳堅吳褒虞二娘王十三娘吳十二娘葉  
杆祝三娘丁堅徐廿一娘章廳陳珎吳宗吳善和各一千足

右弟  
二區

母親太上法錄女弟子陳十二娘二十千足 劉嘉彥同妻

吳七娘二十千足張道馨妻吳十二娘十千足知紫虛觀事

李若朴并道業七千足賜紫道士俞景岑千伍百足朱知先

一千足王子超千四足妙成知觀葉嗣浩道業四千六百足

葉嗣澄柳仲宣各千足天國萬壽宮五千足壽光宮道衆共

六千足玉虛宮游大成道業共八千足道衆千六百足死為

知觀富有明十四千足賜紫許世雄張世微富擇堯富惠存  
富擇京各一千二百足葉擇方富惠清龔世欽各一千足道  
衆十九人共九千五百足青田崇道觀五千足沖真觀知觀  
張智沖道業十一千足道衆三千八百足崇道觀道衆共七  
千足景霄知觀朱存一壽聖知觀楊拱份各一千四百足妙  
庭知觀陳允軒并道業共二千七百足道衆一千五百足道  
選觀壽聖觀各一千二百文足

右弟  
三區

龍圖閣直學士左朝奉大夫知處州軍州兼管內勸農使耿  
延禧

左朝散郎通判處州軍州兼管内勸農事賜緋魚袋崔耀卿

左文林郎軍事判官薛彥時 左從事郎軍事推官宋敦朴

右從事郎軍事推官王恂 左修職郎錄事參軍張 莘

右迪功郎司戶參軍凌日高 右迪功司法參軍趙 不秀

右修職郎司理參軍馬陞 右從事郎監酒稅陳 正度

空四  
行詩

前荆門軍尉孫薪一千省葉汝訓千五百四十足

左宣教郎前建康府教授劉亘捨五千足

右弟  
四區

道士王大鵬陳致選緣化到修武郎特添差處州兵馬都監

康等忠訓郎添差兵馬監押趙伯仁李應義李寬王唐盧欽

陳肇沈珣沈瀟祝堯民童昇童士榮童明陳榮業

陳有機

章興陳新許元理孫杲曾居室謝頌唐杲王進昌周元室何

感程集陳敦王涉何承錫陳林晟朱榮吳整羅宗祝汝錫諸

万王蘊周王德朱民鄭希葉穩胡文毛伊公胡隆胡榮林閔

葉春生葉毛周安程庸俞雄盧臨政王弟見五

沈四娘俞

六娘應十娘趙十娘葉十娘陳十五娘葉二娘葉十一娘李

廿一娘藕七娘仰二娘刘三二娘吳七娘章廿一娘章十三

娘女真刘可卿詹通遵葉懷通錢八娘汪八娘楊十二娘呂

李吳隆吳榮李敦仁程僧行周宥俞宗訓各一千足唐冕同



妻林十四娘捨三千省余維徐寶周迪葉茂各二千足

右弟  
五區

右宣義郎知麗水縣事劉暉民

右承事郎縣丞吳檄 右迪功郎主簿沈旦

右修職郎縣尉胡思恭

空一  
行

管內副道正賜紫陳究微知天慶觀陳子琮道判官章應之  
道監平覺各千五百四十文厲應瓊李拱元葉師宗管應及  
吳致柔劉致琛劉致遠徐致謙張起勳黃大倫王天悅朱應  
珂樓大度李師宣潘希蘊李希杲魏彥臻各一千足王大雅

葉知止各一千足

葉應韶楊致永各二千足□拱雲一千五百足

王十四娘陳七娘陳十一娘戴十娘陳七娘羅四娘王五娘  
羅僧吳珣吳言吳廉各一千足

右第六區後  
八行左行

道士葉致球募到葉濟葉惟紹葉大年葉惟政葉亮葉惟二  
葉濟葉真妻元陳允遠葉公熹楊公太葉五娘蔡八娘陳九  
娘葉十二娘梁念七娘郭森葉如 道士葉彥敷各一千足

道士李致術募到迪功郎陳師尹沈端中李解生李叔  
宥李孫宥濟昌李皆有李歸順李言厚李才惠謝寅生馮子

宜馮子卿潘子彬周友諒徐德舍姚宗實陳九八陳賤馮十  
娘陳念三娘常六娘邵六娘潘六娘李念三娘國五娘季七  
娘王大娘謝傍沈葉俞道安洪十二娘洪十三娘王紹閏趙  
一娘各一千足 外幹到十三千足道士吳德任母親葉大  
娘鄭馥吳十七娘張清宥各一千足

右下層  
第一區

道士陳致選同劉度達幹到梅寔葉質陳堅劉生李英趙十  
二娘趙文浩趙文濟王□王澤王品王憲王實陳堯輔王大  
年徐琳柳公濟柳三娘柳十七娘吳四兒沈隆錢九娘毛敦  
言毛敦仁章倫桑紹沈道隆周廿六娘鄭十二娘劉當劉願

新劉願長潘良盛葉夢顏徐十七娘董十四娘樓婆保李佐  
兒徐添孫陳六娘姜十一娘張瑤黃隣黃騰劉高李遇陵李  
遇榮各一千足外令化到二十三千足吳深妻葉九娘妹十  
四娘吳李各一千足劉軒千四足 陳智一千足  
葉盛盛徐五娘人一千足

右第  
二區

道士毛希長葉敦仁謝大隆王德徽平彥嘉林允舉共緣化  
到二十一 千足道衆街上出隊十二千足

希夷觀一千二百足永國觀道衆三千足道衆九百足天真  
院道衆二千八百足壽昌觀一千足松陽壽聖觀道衆共千

四百足太虛觀四千九百足道士吳致顯吳大祥各三千足  
道童吳大軒吳致义各一千足

行空一

平大壽劉大時少助

湯宗晟宗師共五千足

此洪鍾用銅三千五百餘斤用各一千四百餘千衆幹到六百餘千外唱化衣鉢添助師正錄記

右第  
三區

道士李永澄 潘傳吳肱毛伸張公都 李寶薰子雲素向僧  
梵日祝做祝汝為祝汝平吳念五娘李賢沈士明僧道嚴羅

一娘各一千足

承信郎高廷佐進士林遂林并各一千足

五虛宮

行  
空一

祝亢管希立各千五足

道士吳知和葉太始一千足

葉充俞二千足

靈慧大師管轄左街長生宮葉師□緣化到左修職郎祝徽

潘勳潘特秀潘特夫潘宗隱潘曹同造鍾鈞

右第四區  
字俱陳文

道衆九十八人道童四十二人

湯正臣同妻刘十娘三千六百足張四娘二千足

左朝奉大夫前越州通判朱璜 進士葉弥邵二千足

教門表白厲大京葉昌齡王冕沈韶各捨一千足

金華攻醫林貴和助緣

道士刘彦珎打化到錢三貫文足

本觀道士徐德廣魏胎顯奉命刊字

弟子陳迪徐大年尼道真女真張從道徐三娘各一千

此行  
案文

道士陳世恭陸享葉榮陳泉何感瓊孫彪慕花紅并設

黃岳同妻朱四娘三千五百足刘七娘俞廿九娘各二千足

道士朱大圃化劉王祿妻解大娘劉勝妻曹二娘各一千足  
道士劉德儒爲母王五娘一千足葉復并妻楊四娘男孫各  
一千足

右十二條介在  
上層各區之間

外幹到二千足

在後一  
行之右

道士李太微一千五百足

此行及後  
一行陰文

中

君觀孫居真一千足

右二條介在  
下層四區間

蓮池東偏有阜曰圓山即宋王給事之山堂故址也山之  
東有樓曰明遠架銅鐘一爲宋天慶觀道士吳師正所鑄



銅二層上下界十二區上六區一載道士吳師正疏文二  
載郡邑文武官寮銜名餘周載道衆及捨錢男女性名凡  
四百二十八人內有官爵者如龍溪縣主簿葉紱水軍都  
統制耿進前帶御前器械張見道荆闕軍尉孫蘄建康府  
教授劉亘進士林遜越州通判朱璞進士葉弥邵等八人  
志籍不載又如郡邑官僚有通判崔耀卿判官薛彥時推  
官宋敦朴王恂錄事參軍張莘司戶參軍凌日高司法參  
軍趙不秀司理參軍馬世監酒稅陳正度兵馬都監康等  
兵馬監押趙伯仁縣丞吳檄主簿沈旦縣尉胡思恭等十  
四人志復軼之其當時職官之銜名措紳之姓氏皆可據

以資志乘家考證者至於衆姓捨錢若干下皆有足字或  
省字蓋宋時有足陌短陌之別如范文正義莊規條支錢  
若干貫省之屬按五代史王章傳緡錢出入皆以八十為  
陌章減其出者陌三又宋史言宋初凡輸官者亦用八十  
或八十五為陌諸州私用各隨其俗至有以四十八為百  
者太平興國中詔所在以七十七為百此由隋唐以來皆  
有此短陌至官用自是足陌金史言大定中民間以八十  
為陌謂之短錢官用足陌謂之長錢此鐘內用足字者乃  
足陌也用省字者蓋短陌耳下層第三區有用錢一千四  
百餘千錢作尔金承安四年韓城圓覺寺鐘款有書尔氏

二人王蘭泉先生萃編云亦當即錢字俗書省文始見於  
金而不知宋已有之矣

唐王尚

鐘今在新意山法海寺明遠樓上康熙癸酉移自元妙觀  
即古天慶觀也府志元妙觀在府治東南晉為老君廟唐  
始改開元觀宋大中祥符元年改天慶觀元貞元年改元  
妙觀明燬於洪武而重建於天順 國朝康熙間數遭水  
災觀廢無存所以移鐘於法海寺也

二跋並見  
稽全五志

嵯縣學田記

碑高四尺餘廣二尺三十七行行六十七字字徑五分正書在嵯縣學宮

嵯縣學田記

額橫列五字徑二十五分

嵯縣建學久矣至紹興三載縣學長諭始與諸生共出力創買田地爲齋鹽之計旣而告之于縣縣爲命公吏置案牘歲督其入以給厨饌尚慮綿歷歲月事或遺忘則又書其步畝之廣袤稅賦之重輕暨佃戶之姓名租課之多寡咸刊諸石以傳不泯

田畝五十六起不具錄

已上年管收租米壹佰壹拾壹碩玖斗捌勝伍合貳租錢肆

拾叁貫捌伯文並足錢 一管納夏秋二稅絹貳疋叁丈叁  
尺綉壹丈壹尺綿陸兩役錢叁貫伍伯玖拾伍文省秋米玖  
碩陸斗伍勝 宣詔亭後地壹片黃革佃月納賃錢壹伯足

紹興五年十月初一日右儒林郎知縣主管勸農公事姜

仲開 立石 待詔陳諒刻

按高似孫判錄載王銍所撰修學記碑稱潯川姜仲開建  
學堂移殿廡與門南向諸事文題紹興五年九月甲午則  
與此碑皆仲開同時所立蓋因修學之舉并置田地以供  
費用焉燥志云仲開卒葬福泉山其子孫居江田村

記

越中金石

右碑與修學記二搨本四第推釐嵯縣覓以寄錄別有  
孫吳至隋唐古執百餘種皆前人未經摻及者此碑兩  
浙阮志失採越中金石記具載全文所記田地有山田  
水田有桑地有草茨地有濱地鄉曰昇平曰仁德曰方  
山曰刺元每地各誌賣人佃戶姓名四至之界租米錢  
數田稱若干畝步有稱若干畝若干角若干步者量名  
以碩斛勝為石斗升字升作勝僅見於此蓋假音同繁  
密字取難辨改非有義也未記二稅役錢秋米可考見  
宋時徵納之實末行姜下妾人加錫矣字

吳郡重修大成殿記

高四尺二寸四分廣二尺六寸二分行行  
四十五字字徑八九分行書在蘇州府學

吳郡重修大成殿記

題三行八字字  
徑四寸篆書

郡邑置夫子廟於學以歲時釋奠蓋自唐正觀以來未之或  
改我 宋有天下因其制而損益之姑蘇當浙右要區規

撫充大更建炎戎馬蕩然無道雖修學宮於荆榛瓦礫之餘  
獨殿宇未遑議也每春秋展禮於齋廬已則置不問殆為闕  
典今 竇文閣直學士括蒼梁公來牧之明年實紹興十有  
一禩也二月上丁修祀既畢乃惕然自咎挹諸生董之曰

天子不以汝嘉為不肖俾再守茲土願治民事神皆守之

職惟是夫子之祀教化所基尤宜嚴且謹而拜跪薦祭之地  
庫陋乃爾其何以揭虔妥靈汝嘉也不敢避其責曩嘗去此  
弥年若有所負尚安得以罷輒自恕復累後人乎他日或克  
就緒願與諸君落之於是謀之僚吏搜故府得遺材逾千枚  
取贏貲以給其費鳩工庀役各舉其任幾月訖功民不與知  
像設禮器百用具修至於堂室廊序門牖垣墻皆一新之無  
兵火凋殘之象既而公求去甚力士子德公之賜陰圖挽之  
者計百出不果仲熊客游之久嘗從公廡下壯其閎偉徘徊  
不能去退而竊有述焉夫樂因循而重改作冢天下大患當  
承平無事法令備具上下恬嬉往往負材抱藝之流欲有施



設亦無因以見若艱難多故雖賢智馳騫猶日不暇給僕復一切苟且則浸淫跼弛無所不至矣自 國家兵興之後

天下廟學屢廢有之頹因陋就寡甚者以為迂闊不急之務溥不加省縱有意吾黨事者猶縮手畏避不敢為蓋嘗深鄙之去年夏六月胡甯敗盟遷 陸繹駿 朝廷以此邦江淮

之衝亟起公琳館以鎮撫之下車未久一境晏然迺獨以學校為急除舊起廢以飭祀典且修文正范公安定胡先生二祠以為邦人之勸公之用意至到如此可謂知所先矣此役也雖未足以窺公規畫一二然使為師帥者率以是為務吾知其有廢皆舉何事不濟哉故叙其實以告來者且系之以

詩曰

巍巍夫子 道侔天地 久而弥光 于今奉祀 中原

雲擾 俎豆靡餘 旁風上雨 似窟厥居 兩楹之

奠 鮮克中禮 弗恭弗謁 吾道是耻 玩歲愒日

孰為經營 奕奕斯廟 非公莫成 神棲孔嚴 遂

還舊觀 峩峩儒冠 載瞻詠歎 維昔僖公 實修

頌宮 千載相望 蔚其高風 猗歟茲舉 能使吳重

我作此詩 以繼魯頌

紹 興十一年歲次辛酉四月己巳朔建

右宣教郎程 耆年篆額

右朝散郎提舉兩浙西路茶鹽公事米友仁

書

左迪功郎新差充太平州州學教授鄭仲熊

撰

姑蘇徐案刊

嵯縣舊學記

碑高四尺餘廣二尺十四行行三十五字字徑八分正書  
跋低四格起七行行約五十字字徑五六分行首又銜名  
三行在棟  
縣學堂

嵯縣舊學記

篆額三行六字

字長二寸五分

嵯縣舊學記

太子中允知縣事丁寶臣撰

天之道運乎上地之道處乎下聖人之道行乎其中一物之  
不生非所以為天地之道一民之不治非所以為聖人之道  
萬物充塞乎天地之間非聖人固不能存是聖人之道與天  
地等離而三合而一相資而神以成乎萬物者也生民以來

夫所謂聖人之道者其吾先師孔子之道乎孔子出於周之末自堯舜禹湯文武成康而下至于孔子之時不啻千餘年自孔子之時下歷秦漢魏晉訖五代以至于今亦不啻千餘年其所以治天下者同吾聖人之道者也其所以亂天下者異吾聖人之道者也推乎其前引乎其後亘千萬世上下治亂之効卒無以易吾聖人之道者故有天下者無不北面而祭至于追爵以王凡殿陛冕服牲玉之制率用天子禮自京師以達一郡一邑均得立廟雖然聖人之道豈視此為盛哉固後之人知所本始尊而奉之之至也刻越下邑也縣令沈振初築學舍未及完而徙他官實臣至剛嗣而成之遷殿于

其中塑孔子像與門人之高第者十人配坐左右新門嚴二  
應門耽二兩序翼張中庭砥平縣令而下與諸學者春秋釋  
奠之事湖望朝謁之禮於是手在噫聖人之道與天地無窮  
天地效則聖人之通或幾乎熄斯學也可廢乎慶麻八年五

月一日記

世之為吏者往往以簿書期會為政事之本以剝下奉上  
為進身之梯又其下者飾厨傳以悅過客懸公幣以市私

恩至學校則視為不急之務而漫不加省夫豈知風化之  
源實有在於茲也 三衢 毛公來宰是邑下車之初即

以黃序未字為不可後於是夙夜究心營葺有序又得

丞佐諸公一時之賢皆好文喜士樂贊而成之曾未期凡  
昔無者今備公一日登堂慨然曰先聖之宮學者

肄業之所可無俎豆容絃誦聲乎邑里士子欣從其化爭

先掃治齋几布袍韋帶翕然而至濟以說有鄒魯之風

矣時邑之先達鎮江通守黃公堯舉因出示慶厠中丁

公初興學記以贊公之盛美命鏡諸石以示源流所自後

之來者苟皆能以公之心為心如公之不忘

前人信斯學之不廢矣此悞當講下書其後紹興壬戌

四月望日鄉貢進士充講書蘇復跋并書丹玉牒嘉國

公初

右迪功郎前縣尉韓 直 右迪功郎縣尉程 衍

右文林郎 初

右承事郎知縣丞 昇

右奉議郎知縣事毛鐸重立

四明陳景中刻

按丁寶臣字元珍常州晉陵人歐陽文忠公稱其治刻判  
決精明賦役有法民畏信而便安之嘉泰志云寶臣始至  
縣流大姓一人除樊興利甚衆其歿也王荆公誌墓又云  
嶽學創於寶臣臨川王平甫安國記今不存獨寶臣所撰  
碑及興學五言尚在嘉泰志所謂碑在者當即指毛令此  
石也沈振錢唐人黃堯舉名唐傑宣和三年進士五牒嘉



國公當是篆額之人名已剝落惟公字下一字左邊尚露  
中畫之首攷宋史宗室表封嘉國公者燕懿王房有世括  
子劇皆中有長畫世括為懿王孫時代較前則此應為子  
劇矣縣丞□昇姓關刻錄題名有沈昇蓋即其人碑中完  
字缺筆避欽宗廟諱同音也

越中金  
石志

此碑兩浙金石誌失採記有缺泐字跋尤多據越中金  
石記補載之杜禾子錄此亦已缺泐未知據何本補入  
後跋未詳也記中初築學舍未及完完字杜若錄此亦  
缺末筆今拓本不缺蓋道光以後淺人所加矣



三歲□兜年二歲孫女閨師年七歲女童妙明年二十五歲  
妙悟年二十五歲黃法智年十歲法慧年十四歲妳子等任  
氏二娘年二十五歲遠妳吳氏年三十歲虎妳尹氏年三十  
六歲佛保妳王氏年二十八歲楊僧妳□氏年二十六歲閨  
師妳王氏年三十歲佛兒妳鄧氏年二十八歲□□唐氏年  
二十七歲奇奴妳姚氏年二十七歲惠奴丁氏年二十六歲秋  
喜趙氏年三十三歲

紹興壬申□□□□旦日建塔化首任亮刊石立

醉石劉李高題名

四行行四字字徑一寸二分正書在江甯胡氏愚園

劉李高父徘徊其旁紹興丁丑七月乙未

孫氏文川云光緒丁丑江甯胡君恩燮構園於鳳皇臺之

麓買石疊小山匠方舉石綆斷三舉三斷訝焉諦視得此

石因嵌於山隙予攷鳳皇臺北花盃岡之東南有勝國徐

錦衣西園再易主為吳中丞用光之園見路鴻休帝里人

陵侍據王文簡公六朝松石記知吳園有六朝石劉李高

題據周吉甫金陵瑣事知李高題名即張乖崖醉石瑣事

乖崖醉石在徐府西園中石上文字磨滅幾盡僅存徘徊其旁紹興丁丑十數字而已周氏云十數字與今存字數

同顧文莊金陵古金石考載有醉石題名即今胡君之  
指此石文莊避園與西園相鄰其說更可信

園為吳園舊址此石為吳園之石隱而復見去來非偶然  
也李高名岑本吳興人後遷溧陽登第累官戶部侍郎歷  
知太平州池州鎮江府及信泰揚溫等州御營隨軍都轉  
運使告老除徽猷閣直學士乾道三年卒年八十一景定  
建康志儒雅傳載其事蹟甚詳楊誠齋曰李高居建康張  
安國為帥具衣冠造李高欲北面書法安國書為宋南渡  
第一乃欲效法李高則李高可知矣李高有蔣山太平興

國寺大佛殿記高座寺碑王忠節廟碑蓋工書而能文之

士也季高文字僅此三首興國寺佛殿記高座寺碑景定志尚載其略王忠節廟記則任存其目耳嚴氏觀江

提行低一移字

甯金石記采李高碑記多至六百朱比  
緒曾讀書志又謂有劉忠肅廟記皆誤案呂志佚目據獻

徵餘錄采醉石題名云上有紹興十七等字在江甯城內

。吳園即此石也丁丑為紹興二十七年餘錄作十七年誤

。且題名用支幹非紀年數據景定志李高以乾道三年卒

。年八上溯紹興二十七年李高題字時已七十一矣楊

。誠齋集又謂李高大意令安國學李邕書此題字雅近北

。海可證誠齋之說

續纂江甯府志

按周吉甫金陵瑣事云張乖崖醉石文字磨滅幾盡僅存徘徊其旁紹興丁丑十數字然則是石當別有乖崖題記今不可見矣此十六字亦經後人剜鑿多半失真

江陰復軍牒

高連額五尺四寸廣三尺分上下兩截刺之行字多寡大小真行不一詳註各節下正廳書在江陰復軍牒大額

紹興復軍指揮額三行字程三寸正書

尚書省牒

四字程三寸五分行書

兩浙路轉運司準紹興三十一年五月十四日勅節□戶部狀□□轉運副使兼權□江府林安宅□□被

旨暫權平江府事兼領提督海船詢究江陰利害自廢軍之後全無裨補常州事宜江陰□歲虧欠上供諸色錢一十餘萬貫文及據江陰知縣縣丞曹總等□□□□□□間□右州軍例皆殘破實賴再復軍額駐泊兵馬守禦得

以保全軍湏之□□時辦集□□輻湊戶口增盈民樂其  
業本軍合辦 朝廷歲計官兵衣糧不曾□欠後來改軍  
為縣廢罷場務客販不通居民失業流徙他□□本縣夏  
稅□丁鹽錢綿絹舊為軍日均於客戶送納廢軍之後人  
煙稀少所虧之數均及見□比之舊年增加錢數民受其  
害兼□□之後禁地既感客旅蕭疎酒稅課利虧失元額  
違欠上供諸色錢數至多無從椿辦今仍舊復為軍額本  
部看詳欲下逐司詣本官所乞同共相度如委是經久可  
行利便即保奏施行□省同奉聖旨依戶部看詳到事理  
施行

欽此 今契勘江陰昨為軍日瞻養本軍官兵椿辦



朝廷歲計每年三十□□四千七百二十九貫三百三十  
九文常年並皆足備即無拖欠後因廢軍爲縣客旅稀少  
居民失業酒稅虧額自改爲縣至今四年已是拖欠上供  
諸色錢總計四十五萬九千餘貫文見有案籍照應竊緣  
財賦正隸漕司他司不知詳細兼江陰邊臨大江即與鎮  
江府一帶聲援相接自今見屯軍馬防禦盜賊最爲浙□  
喉襟控□□要之地本司今相度若復爲軍委是經久利  
便欲□朝廷詳酌特降指揮施行伏候指揮

以上十六  
行行三十

餘字字徑四  
五分正書

條奉

勅宜復爲

右工  
截

江陰軍牒至准

勅 故牒

以上四行字徑  
三四五寸行書

紹興三十一年十一月

日牒

此行字徑一  
寸餘行書

叅知政事楊 押

尚書右僕射同中書門下平章事

押

尚書左僕射同中書門下平章事

押

以上三行橫廣各三寸餘後二行  
押寫與前行齊正書 右下截

南海廣利洪聖昭順威顯王記

高連額五尺四寸廣三尺八寸三十分行四十字  
字徑七分二行字徑四分五書在南海南海廟

南海廣利洪聖昭順威顯王記

篆額六行行二字  
字徑四五分

南海廣利洪聖昭順威顯王記

左朝奉郎權發遣南恩州軍州主管學事兼管內勸農事  
借紫陳豐撰

右朝奉大夫提舉廣南路鹽事廣東常平茶事賜紫金魚  
袋詹彥書

左承議郎權發遣廣南東路轉運判官兼提舉學事內燁  
篆額

南海王有功德於民威靈昭著傳記所載與故老傳聞歷歷可考自唐以來褒封崇極隆名徽稱累增而未已天寶中冊尊為廣利王牲幣祭式與爵命俱升元和十二年詔前尚書右丞孔公綬為刺史有惠政事神不懈益虔神所顧歆風災熄滅仍歲大熟韓昌黎為之記爛然與日月爭光神之靈迹益著

聖宋開基

太祖皇帝遣中使修敬易故宮而新之冊祝維謹 仁宗康  
定改元之明年增封四海而王加號洪聖皇祐壬寅蠻獠猾  
二廣暴集三水中流颶作閉關渴飲雨降而足變恠驚異賊

矍然若加兵頭上一夕遁去有司以狀聞

上心感歎詔增昭順之號加冕旒簪導以吞靈休元祐間妖巫竊發新昌領衆數十未薄城下官吏登城望神而禱是日晴霽忽大晦冥震風凌雨凝為冰沍群盜戰慄至不能立足望城上甲兵無數怖畏顛沛隨即潰散雖八公山草木之助未若是之神速也狀奏下太常擬定所增徽名禮官以為王號加至六字矣疑不可復加

二聖特旨詔工部賜緡錢載新祠宇於以顯神之賜

太上皇御圖慨然南顧務極崇奉紹興七年秋申加命秩度越元祐於是有威顯之號寵數便蕃不以為侈第恨無美名

徵稱以酬靈貺豈復計八字覆封耶左海遊陳颶風掀簸蛟  
窮磨牙祝融司南彈壓百恠庇護南服俾瀕海屋民飽魚蟹  
厭福梁舟行萬里僅如枕席上過獲珠球犀象之贏餘敏惠  
一方厚矣而京師頃年旱暵異常

裕陵遣使懇祈雨雪應不旋踵又何惠澤博若是也黎弓  
毒矢嘯聚巖谷多擗大棹出沒濤波弄兵未旬時旋即撲滅  
蔭護捍禦而人不知神之力量漢之中陰賜多矣至於震風  
反燄霈雨蘇暘見新城於水中出陰兵於城上飛鼠凝漸變  
恠萬狀又何靈異顯著若是也日者郴寇猖獗侵軼連山  
南海牧長樂陳公偕部使者被齋以請于祠下未幾賊徒膽

落折北不支屬城才堵帖然無犬吠之警公之精誠感神如  
桴鼓影響之應神之威靈排難如摧枯拉朽之易皆當大書  
深刻以詔後人豐叨乘一障在窮海之濱方託价藩悒悒而  
竊神庥佑屋多不敢以蕪顏為辭謹再拜而書之且□以詩  
曰

顯顯靈異

百神之英

功德在民

昭若日

星

庇佑南服

民無震驚

風雨時叙

百穀用成

夷舶往來

百貨豐盈

順流而

濟

波伏不興

自唐迄今

務極徽稱

祀典祭式

與次俱升

捍禦劇賊

間見陰

兵

呼吸變化

風雨晦冥

壓難折衝

易如建瓴

奔儼蹀躞

群盜肅清

蠢

爾柳寂

嗷嘯橫行

傳聞訕訕

郡邑靡圖

堂堂元侯

賢於長城

邀戒星軺

各

盡其情

被齋以請

神鑒惟精

式遏寇攘

惟神之靈

應如影響

惟元侯之誠

惟部使者

協恭同盟

選值群賢

惟

天子之明

神休無斁

何千萬齡

乾道元年十月二十五日右朝請大夫直敷文閣權

發遣廣州軍州主管學事兼管內勸農事主管廣南



東路經略安撫司公事馬步軍都總管賜紫金魚袋

陳

輝

立石

記成求石於肆得之丁氏高大中度其直二萬鎊  
已明年夏饗以舟津置俾戍官植于廟而戍官以  
跌坐為慮祠祝曰後殿之旁有之棄不用試度其  
鑿無差又昇碑以夫七十坐如之詎非陰有所口  
而然耶

古靈陳

繼

奉親陪祀目擊其事謹識左方用諗來者

風雷雨師殿記

高四尺四寸三分廣二尺三寸五分十二行  
行四十字字徑八分行書在南海南海神廟

創建風雷雨師殿記

鐫四行行二字陽  
大字徑一寸五分

凡陰陽凝結之氣積高廣大者皆神明之隩故古之君天下者必崇望於嶽瀆周公相成王懷柔百神咸秩無文五嶽視三公四瀆視諸侯漢神爵元年制詔太常曰江海百川之大者也今闕焉無祀其令禮官以四時祀江海 聖朝治暢道洽神明饗□海嶽冊禮跨古尊顯而南粵置使掌卉服□夷貿易□事歲資 邦計數百鉅萬胡商海賈以不費之貨入重譯之地行萬里之海必稟命於 南海□□□水

之便然後敢行舟舳既濟輸征乃廣國以饒用吏以稱職可不教歟共惟 主上順 揖遜之美受慶禪之禮 光

明緝熙以報

付託

審求吏能旁於疏遠

詔為

□□□入□

行在所不稱者報罷始吳興陶公定分符

治責 陛對之次

玉音激揚明年粵□舟使選才

上錄陶公移使為公清名峻節聞於天下精辭履句推於

前輩至則辨治歲貢倍恩

神實相之不急於□□□薦

南海神祠下謂未至者

南海神大神之尊主於事而

風雷雨師□

□神之列行於事昔無陸級之嚴雜

廊廡之祀非所以配食

大神攸司上列□即廟之□□

此後在與下二刻字何  
南海所碑五改

創殿安靈立象置器□謝曠闕是歲也田豐海熟迅雷收聲  
颶母滅影歸橋去施安若衽席以乾道□□閏七月癸□落  
成用□奉安謹攻石紀始以告於後洛師康與之記并書

年數已泐就閏七月改之則乾道三年也寰宇訪碑錄  
作三年良是惟標目題重修南海廟碑康與之撰并正  
書而是碑則為行書豈別有南海廟碑亦康與之撰書  
同時立石耶應再攷

重修南海廟碑

石下截斷，闊連，高四尺，廣二尺，三十三分，二十行，行存二十六字，字徑九分，正書在南海。

重修南海廟記

篆額，陽文，六字，字徑一寸，分。

仰惟

洪聖位冠四海，尊配兩儀，歷代人君，悉嚴殿祀。唐

之前，邈

下

鉅儒如韓愈輩，以大手筆刊諸琬琰。昭示萬代

王之

稱瑤冊

下

國下以濟民，或禪大計，或弭大盜，或拯

大萬或贊大役，凡有祈禱，應哉。矧夫滄溟之廣，萬里無際

欠伸，風雷噓吸，潮汐胡商。賈貝萬。風破巨浪，往來迅

速如履平地，非恃

王之陰佑，曷克。邪西南。異之貨

不可縷數，閩浙舸船亦皆重載，而至歲補大農，何啻千萬緡。

闕下王之力焉朱明之祀祭告謝報之禮 御香祝冊以時而

頒

闕下

又一在州城之西南隅故有東西二廟之稱天

寶元和開增拓東廟

闕下

藝祖臨御首遣中使重加崇葺嘉祐中余靖嘗修之元祐中

將之奇

闕下

於政和季陵葺西廟於紹興咸記于石厥後歲

月浸久棟宇滋弊

闕下

補漏而已振而興之理若有待然

非誠心何以奉神非正已何以立闕下其心可乎身正不令

而行不正雖令不從立事而不正其已可乎闕下律貪鋤姦

剔蠹所至有廉直聲持節初屆款謁二祠延目周覽歎其

闕下是節約官緡無纖介妄費出其奇羨市材募工大興營繕

役弗及民廼

闕下

而辨隆其棟梁壯其柱石榑椽構榱椳闌楹

楔楠牖陞級甌甌甑甑

□

闕下

堂廊廡齋廬宿館山亭

不宏遂又劫建風雷雨師之

□金碧

□

闕下國家崇奉之意使

瞻謁者齊慄祗肅以旌

王之功德靈顯後之

闕下

矣是役也

經始於乾道丁亥冬十月初六日凡用功八十二日而告

闕下

鄉黨請書其事以紀歲時闕雖不敏敢不直書以告將

□

歲

□

闕下崇道觀廖

題

記并書

寰宇訪碑錄以前碑為重修南海廟碑此碑為重修南

海廟碑陰記

重修顯應廟記

石連顯高三尺二寸廣二尺五寸三十五行  
行三十八字字徑七分正書在味縣呼滿廟

顯應廟記

篆額橫列四字  
字字徑四寸

重修顯應廟記

越之剡邑距治所三十里有卅□寸富里曰□木巍然有廟  
曰 陳府君祠也 府君之□□□□於圖經故不復紀姑  
撮近事以告後人非□為文也恭惟 府君之祠鄉邑遠近  
與夫鄰境□□□祀疊疊不絕□有旱乾水溢之患飛蝗螟  
勝之災僕於人力所不可勝者則 府君在所祈焉□□之  
庭宇□□草葢於堂而蛇鼠為窟穴墉覆於溝而牛羊□踐



塗有邑人之仁者惻然在念□□□己之序豈若奉神之有  
功德於生靈者耶於是取財募力剔弊而新之飛廡棟宇連  
棟壁瑤□□□至間以□碧刻鏤綺錯煥耀耳目望 府君  
之像于堂繪諸神之像于壁民之禱祈祭告倍□□□日茲  
建□寶 先君子之力與令逾二紀矣號更崇圖歲在甲申  
秋七月天降微雨震風薄□□□水溢郊野波濤洶湧民之  
居舍稻田桑麻糜拓五穀之殖漂流散洗不可勝數而廟所  
止厝□□□湍瀨漫汗人且謂庭宇無復存在舉淪為陂池  
矣有頃雨霽風息煙雲四開觀巨木焉餘數□□□山而下  
橫水截派若欽而禦之者閭里老穉奔走瞻視共詫神之至

靈事之甚異也。然則廟之□□木朽瓦腐於神之居為有關於人之禮為未盡。一曰僧廣修訪予曰：理不可不因，因理可以□□□不可不□□□可以致祥令。府君之祠光靈威烈，俾示鄉俗所謂扶地更舊之利願導□□□□就其美。因□□鳩工聚役，若夫良材緡帛不約而至，幾月而遂成。簷楹崢嶸棟橈高聳，更□□□置備具彩□□堵周環，雉立茂松脩栢森翠，成陰規制益新。神舍增重，彼雖有侮慢，傲□□□首欽欽敢□□乎嗚呼！人者神所依，神者人所歸。二者常相須以行，其未有自矣。至若□□□□巫沉女以□□媼豈特為神之羞，且又為政之禁，可不謹乎。府君靈祠

殆異於是遂舉而□□□觀三年三月□日從事郎河北路  
都轉運司主管文字黃時記

按圖經

祠初建於赤烏二年

神嘗為令此邑民思

惠政尸而祝之社而稷之然□□□名系莫能□據而  
鄉社飲事之禮至今弗怠則知所治政績必有大功德於  
此也大觀□□□君大夫觀廟頌瓊率鄉民隆壯其宇  
記紀靈蹟刊之于石宣和辛丑

皇朝升平既□東南曠弛武備睦寇嘯聚雲擾蔓延旁境  
魔黨響應惟判縣尤熾人□□□□盡焚一夕有□四  
山旗幟車蓋隱隱如去雲端間咸疑神游而廟不存矣視

之□□□□□□復見如前日□異若反旆而來繼踵  
賊徒如睡魔叫於巢窟曰天兵至矣遂相□亂矛□□  
□殲渠魁崇仁永富二鄉不勞大兵賊已撲滅脅從胥靡  
額免盪蕪之苦人謂□□□□□□賊自殘戮豈  
神得請於天而討之繇是遠近日益信嚮因緝故址隨時  
□□不□□□□□成像設具瞻明□齋廬嚴整如昔  
早潦有禱疾疫必求□解歸謁祈籤決疑駿奔□□□  
□□答之若響應聲乃以紹興十一年辛酉歲上靈績于  
朝錫額顯應垂三十五年鄉井晏然雖遇凶荒民不至捐  
鄉人姚□憲為諫議大□□□□□率鄉社載陳于邑

邑之府府之漕司漕司上之省寺馬旌褒之禮□踰季  
綸命煥頒封靈祐侯呂乾道八年十二月二十一日綵軒  
蓋以迎

寵命攝藻翰以致祝辭盡豐潔以薦膳啜鼗鼓而酌告典  
禮備舉所以致哀崇答□□□□□□□□□□□□□□  
鳴呼正直惟神  
為人所依神既福此方而罔窮則民報功德宜無數也  
荆固賦□□□□□□□□□□□□□□□□□□□□□□  
書以記乾道九年四月旦日男右宣  
教郎特改差監潭州南嶽廟倫重記汝陰王廉□□□□□□  
□□郎新江南東路堤舉茶鹽司幹辦公事白仲炎篆額

右重修顯應廟記在嵒縣兩浙金石志失採越中金石  
記錄嘉泰三年顯應廟記一碑而漏載此石按碑文陳  
府君祠先修於元豐末年至崇寧甲申水溢祠壞大觀  
三年重修之從事郎黃時先記其事宣和三年睦寇之  
亂時清溪妖賊方臘反偏度  
德及歙杭婺處諸州四月平神特著靈績紹興十一年  
賜額顯應乾道八年宸封靈祐侯九年時子倫重為之  
記乃立此碑王廉口書白仲炎篆額自紹興十一年辛  
酉至乾道八年僅三十二年記作三十五年誤

陳文惠公府學二字并跋

高六尺五寸廣三尺三寸二大字居碑三之二下載跋十四行行十二字字徑五分正書在蘇州府學

府學

二字居中字徑二尺三寸餘分書

大丞相贈太尉中書令文惠陳公筆

宣教郎充平江府府學教授潘旦立

二行分刻二大字左右字徑一寸五分正書

先正文惠陳公才華命一世勲業炳汗青至其游意翰墨之  
之妙人尤珍之紹興初吳門府學告成權守向公提刑得文  
惠所書此二字於他郡移斂諸木而揭焉自是門雖再易而  
獨得不廢凡善書者來游率用敬仰典藩名流或命工梯梁  
摹楮以墨既有損壞且不能廣

宋瀋熙三年十二月

木興潘先生掌教之明率因託堅珉而壽之蓋敬彰前賢之  
蹟廣四方之傳以增吾鄉校之壯觀乃俾侍坐者識其略  
熙丙申季冬既望學錄學生吉 中孚書

余舉刊

在左  
下角

文忠名堯佐宋史有傳跋中云權守向公者即向宗原見  
郡志曾以提刑權平江府牧守題名遺載

吳郡金  
石目



呂元錫南山留題並和作

高二尺七寸廣二尺兩層上層十一行下層九行又小字  
六行行字均不一上層徑七八分正書下層徑寸餘行書  
在大足東  
南王成山

南山留題

泐

龍穴潛幽通海潮璇宮突兀插雲霄三千世界諸天近百二  
山河故國遠寨落偏城連谷口荒涼古寺倚山腰溪南可款  
門脩竹何况丁酉巳見招

右瀉熙五年六月十二日聖家登南山回少憩南禪寺書  
示小子祖吉晚赴真符孫丞之約申國呂元錫

右  
上層

□次元□

行 泐二

詞源浩渺浙江潮倒瀉銀河落九霄  
貝闕琳宮春不老蓬萊瀛海路非遙  
多君訪古曾携手愧我勞生漫折腰  
擬欲誅茅成小隱山靈不薄幸相招

從跋六行字徑四分平淺僅辨數字不可復錄 右下層

三巴晉古志題玉成山醮壇詩此二詩外尚有張宗彥詩何格非和作俱未得拓本此本平湯處當歸後檢劉志校之

泉州韓忠獻公祠記

建額高八尺二寸廣三尺七寸五分記文佔四尺六寸六分十八行行二十九字字徑一寸五分正書長徑五寸在晉江

宋中令韓公忠獻魏王祠堂記

長額二行字

乾口五年泉州大手七手獻魏國口口祠於州治之火隱庵

熙四年公五世孫康卿手五手明季夏四月壬申改作中令及

公之祠秋七月甲子詔事康卿告饗如禮未諗克家曰是舉

也非康卿私其先將以慰邦人無窮之思願乞文以紀歲月

嘗攷景德中中令公以太常少卿知州事魏公資生焉中令

公有惠於此邦邦人不能忘及拜諫議大夫召還道及建陽

而卒邦人奔走千里拜奠朝夕哭久不忍去其後魏公厯相

三朝有大勲業邦人曰是我諫議公之子昔生于此邦者也  
則相與即州之堂因其謚而名之以著夫不忘之意歲時奉  
祀顧猶缺然逮夫即庵以祠繪事雖嚴而堂宇制度曾弗之  
稱至是易其舊貫輪奐儼然像設並宗分左右室佩金戴蟬  
焜耀交映瞻者起敬罔不懽喜蓋古之為政必因人之心之所  
不能忘者故物成而人說夫以遺愛在人口勲嗣世合而祠  
之瞻敬一新豈不真有以尉邦人無窮之思歟克家頃使北  
虜口州口者語及公舉手加額曰公勲德威名百世所  
仰今畫錦堂固無口公歿百餘年彼異域且知所尊敬如  
此而况此邦之人哉故附載口云又明年夏四月既望資

政殿大學士宣奉大夫知福州軍州事兼管內口農使充福建路安撫使馬步軍都總管清源郡開國公食邑五千七百戶食實封貳仟參百戶梁克家記穀文閣學士降授中大夫知泉州軍州事兼管內勸農使斬春郡開國侯食邑一千戶韓彥直書朝散大夫直祕閣知內外宗正事趙不敵篆蓋

福唐李藻鶴

五字樓七分

南山順濟龍王廟記

高三尺廣一尺七寸十一行行二十一宇至二十五宇不  
等字徑一寸行書又立石年月一行字較小在錢塘

南山順濟龍王廟記

諸行無常一切皆苦諸法無我寂滅為樂無上兩足尊初說

□ 如路為海居種性間此甘露門婆竭以無耳聞經無垢以

男成佛雖順濟王承佛記苟有大福田為世津梁得自在力

當時十處十會皆聽圖音今日三江五湖不忘外護所以作

南山之檀越應清隱之鐘香以佛事作神通化血食為淨供

雖然太陽門下一切遍周普光法堂當仁今上不妨於法界

海見作魚龍入觀音門能施无畏鐘魚鼓板釋迦苦口丁

□

雷雨風濤順濟家常相助因行不妨掉臂南山飯在往來船  
非唯曲為令時亦與後人作古記歲癸亥朔元豐月黃鍾日  
己巳雙井黃庭堅撰并書

瀋熙已亥夏五月一日戊午魯國祝□

住持僧 正□缺

此碑訪碑錄云在錢塘兩浙金石志失採

寶梵寺碑

高四尺三十二分廣三尺五分二行行三十三  
字字徑一寸正書有篆額失拓在蓬溪西三十里

院之興先因羅漢名以佛法重也後得寶梵名以君賜重也漢山環遶如昨楹栢莊嚴一新律居而禪規在世而出塵人入門知有西方之神不生下劣輕慢想賜紫太師宗顯更革之勲也師姓令狐里中人弱冠落髮誠敬自將凡鄉邑大佛會必與種種滿人意常曰三寶僧居一得□僧則責□□世間泉貨長物爾何用爲於是得財施即以改造諸不度者自階道至門若殿若樓若講齋廳僚閣佛菩薩羅漢諸神像及七里灘石橋日積月累次第爲立一一可觀費緡錢餘萬



有二十背囊鉢所貯不以擾人抑亦難矣故曰我佛之法不  
彈則律師之模畫似矣道其未醇乎非也精進不力沈滯空  
寂兀然無為禪之病也執物不堅壞戒定莫克有為律之  
蠹也蠹律病禪飽食安眠人相我相面頰山岳貢高  
一切庸人也庸人滿天下伽藍起滅誰責耶侈土木煥金  
碧崇象設以境示人是則於佛不為無助師所以不著禪  
不縛律而特盡心於此也乃今緇徒往往既其名不覈其實  
視棲身食地若邱亭虛聚上雨下風泣龍象穴狐兔無分顧惜第知貨佛滋益非用至捐一錢易一椽如生龜脫殼  
入師之室覽師之建立無愧怍者幾希予喜師一念正知願

力洪遠年逾七十略不轉因爲記之并繫以偈言幻身浮脰  
草頭露實見卓立中流柱世網走逃如脫兔菩提了了無他  
路迷人捐軀大火聚自灼自焚甘自苦諸佛菩薩慈憫故教  
以一捨勿復取顯公超然知落處功德銷磨質萬數一單一  
鉢朝昏度佛事日富貧非慮如是降心如是住嘔噦甞蓄與  
蟲蠹風清松竹相爾汝誰其嗣之需一悟甲辰瀋熙十一年  
冬至日儒林郎前潼川府觀察推官陳祖仁記小溪進士胥  
天錫募額邑士王鉉書

修造賜紫慈慧大師山主住持宗顯同

小師惟月師孫圓覺立石

搨本漫漶處據金石苑補註於旁末行小師以下十字  
金石苑失錄